

Minnismerki

Lag: Ego, texti: Bubbi Morthens

Í dalnum stynur moldin af þorsta
blómin standa ein og köld.
Fiðrildin öskra tryllt af losta
á heiðinni bíður þokan köld.

Í myrkrinu heyrum við trumburnar kalla
fagurkerar myrkursins biðja um hvít lík.
Fölar verur á vatninu labba
í djúpinu svamla heilög frík.

Skógurinn ilmar af laufi og mosa
grafreitir stórborgar, þar sem við fórum á mis.
Hálfgrafin hús yfir minningum brosa
minningar um stórborg með ys og þys.

Úti í auðninni standa þau hálfgrafin í sandi
þögull hryllingur með ryðguð hlið.
Hér beisluðu þeir atómið og höfðu í haldi
minnismarki um hinn stóra frið.

Yfir fótspor mín blésu heitir vindar
þar til ég gekk inn í dimman skóg.
Hásir tónar menningarsynda
í nóttina músíkin dó, í nóttina músíkin dó.

Lagið má finna á eftirtöldum útgáfum

- Ego - Breyttir tímar (1982)

